



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 129. Patrum sollicitudo circa Decretum de peccato originali
conficiendum.

[urn:nbn:de:hbz:466:1-66615](#)

Sæc. XVI. di Patres exiguam hujus altercationis
A.C. 1546. rationem habuerunt.

§. CXXIX.

*Patrum sollicitudo circa Decretum
de Peccato originali conficien-
dum.*

Nil ultra reliquum erat, nisi ut Sanctionis instruendæ norma decerneretur; Patres enim, quid certi de peccati originalis essentia statnendum esset, nondum satis perspectum habebant. Proponebat Ambrosius Catharinus, quod concupiscentiæ & justitiæ privatio esset poena peccati, non vero ipsum peccatum, ac proin illud, quod in Adamo peccatum fuit, in nobis illud esse haud possit, nec dici valeat, quod iniuritia Dei erga peccatorem, nec peccatoris erga Deum fuerit peccatum, cum ex peccato duntaxat sequatur. Affirmabat itaque, quod Adæ peccatum in nobis sit per *imputationem* vi pacti, quod Deus cum Adamo iniit. Hæc sententia a Patribus multum fuit commendata, cum per eam haud inconcinnne explicetur, qua ratione omnes primi hominis posteri ejus transgressioni sint involuti: cum vero hæc opinio nullo SS. Patrum testimonio esset suffulta, Patres eam approbare minime audiebant.

bant. Id duntaxat tanquam minime Sæcul. XVI.
dubium habebant, quod omnes homines A. C. 1546.
peccato originali fuerint infecti, illud-
que per Baptismum penitus sit remis-
sum, hinc omnes sententias his verita-
tibus contrarias tanquam hæreticas es-
se damnandas decernebant: exakte au-
tem, atque ad amissim hoc peccatum
inter tot pugnantes Theologorum sen-
tentias definiri haud posse censebant, ea
utentes cautione, ne cuiusdam Catho-
lici damnetur opinio, unde schismatis
periculum jure foret metuendum.

§. CXXX.

*Vegæ ac Senogalienis Episcopi ser-
mo circa hanc rem.*

Eadem igitur res gravibus erat obno-
xia difficultatibus, quippe Andreas
Vega ex Ordine S. Francisci hanc in rem
ita differebat: *Neque æquum est, neque in*
quolibet Concilio receptum, opinionem ali-
quam damnare ut hæreticam, nisi Catholica
prius stabilita. Qui rationem procedendi in
omnibus Conciliis intueri velit, facile obser-
vabit, jaða primum ab iis fuisse fundamen-
ta orthodoxa, quorum ope hæreses damna-
rint: idem in præsentia necessario facien-
dum est: Ecquis enim, ubi teget, Synodus
Tridentinam damnasse assertionem Luthera-
nam, quæ afferit, originale peccatum esse

Pp 5 igno-